



## Publicaziuns dalla vischnaunca, jamna 1

### Damondas da baghegiar

#### 2017-1074.000

##### Datum dalla publicaziun: 12 da schaner 2018

Il patrun: Martin Jacomet, Sonnfeldstrasse 34, 4632 Trimbach  
Il representant: Martin Jacomet, Sonnfeldstrasse 34, 4632 Trimbach  
Object: Construcziun d'ina tschaffada dall'aua ed ina serenera individuala per agen diever sin las parcelas 3339 e 3340 a Cavorgia Sura

#### 2018-1000.000

##### Datum dalla publicaziun: 12 da schaner 2018

Il patrun: Artavels Giachen Martin Manetsch, Via Salez 12, 7186 Segnas  
Il representant: Cathomas Treuhand AG, Schulstrasse 2, 7130 Ilanz  
Object: Tegia da mises e nuegl cun baghetg annex, midada d'intent dretg funsil puril, ulteriuramein separar ina surfatscha da ca. 1000 m<sup>2</sup> dalla parcella 3322 a Rein Sut, 7180 Disentis/Mustér

#### 2018-1001.000

##### Datum dalla publicaziun: 12 da schaner 2018

Il patrun: Cypriana e Markus Muri-Deflorin, Schnellenrain 13, 6210 Sursee  
Il representant: Cathomas Treuhand AG, Schulstrasse 2, 7130 Ilanz  
Object: Construcziun d'ina scala ella fatschada nord-vest vid la Casetta Amanda, Via Acletta 45 sin parcella 1270, 7180 Disentis/Mustér

- Ils plans da construcziun ein deponi tier l'administraziun communal.
- L'envesta publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e sutscretta dil re current ni da siu representant.

*Uffeci da baghegiar Disentis/Mustér*

---

### Purschida gratuita

La vischnaunca da Mustér porscha era uonn a ses habitonts la pusseivladad da visitar gratuitamein la Casa da traffic a Lucerna, [www.verkehrshaus.ch](http://www.verkehrshaus.ch). Al spurtegl dall'administraziun communal san per mintga di digl onn vegnir retratg tschun entradas gratuitas. En quella purschida ei cunteniu:

- entrada gratuita ella Casa da traffic a Lucerna
- 10% rabat sin biars artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiari cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (tel. 081 920 36 36 ni e-mail: [admin@disentis.ch](mailto:admin@disentis.ch)). Nezegei quella purschida e passentei in bi di en Svizra Centrala.

*Administraziun communal*

---

### Remplazzament dall'illuminaziun publica Invitaziun d'annunziar observaziuns

Ils 20 d'uost 2017 ha l'interpresa Repower AG entschiet cul remplazzament dall'illuminaziun publica. L'illuminaziun vegn adattada al niev sistem LED ed equipada cun in sistem da pilotadi. Il sistem da pilotadi lubescha d'adattar l'illuminaziun al basegn dil traffic. Aschia sa l'illuminaziun vegnir reducida la notg. Ils sistem LED en cumbinaziun cul pilotadi possibilitescha da reducir marcantamein il consum d'energia.



La gronda part dallas cazzolas ein gia vegnidas remplazzadas. En singuls loghens succeda quei el decuors digl unviern resp. dalla primavera 2018. Entochen che tut ei programau ed adattau, drova ei aunc empau temps. Il pilotadi funcziuna suandontamein:

- Las cazzolas s'envidan la sera e sestezzan la damaun automaticamein sco entochen dacheu.
- Tenor program sereducescha la glisch entuorn las 21.00 entochen la damaun ca. allas 6.00. Quei temps sa vegnir adattaus tenor intensitad dil traffic. Duront il temps che las cazzolas glischan reducidamein, sesclareschan quellas per in cuort mument sin fundament d'in moviment sin via.

A vesta da quellas pussevladads tecnicas e che l'illuminaziun publica en nosa vischnaunca cumpeggia ca. 400 cazzolas, essan nus dependents dallas observaziuns da vischinas e vischins. Nus supplichein Vus d'orientar nus sur da Vossas constataziuns davart irregularitads, sinaquei che nus sappien prender las mesuras necessarias. Impurtont ei da comunicar a nus la via pertuccada, el cass da cazzolas singulas la numera da quella indicada sin la petga e l'observaziun ch'ei vegnida fatga. Las observaziuns san vegnir annunziadas all'administraziun communal (tel. 081 920 36 36 ni per e-mail [infra@disentis.ch](mailto:infra@disentis.ch)). Per Vossa collaboraziun engraziein nus cordialmein.

*Infrastructura communal Disentis/Mustér*

---

### **Invitaziun ad ina sera d'informaziun publica hotel «Acla da Fontauna» e Center da sport e cultura**

Nus envidein tuts interessai alla sera d'informaziun publica moderada ed embellida musicalmein che ha liug **venderdis, ils 12 da schaner 2018** allas 20.00 en sala Peter Kaiser dalla Claustra Mustér.

All'informaziun e discussiun prendan cuss. gov. Jon Domenic Parolini, il cau digl uffeci d'economia e turissem, Eugen Arpagaus sco era representants dalla gruppa da projectaziun e digl investur dil hotel «Acla da Fontauna» part. Sper il project per in niev hotel «Acla da Fontauna» vegn era informau davart il stan dalla planisaziun per la sanaziun dil Center da sport e cultura. Suenter l'orientaziun vegn purschiu in aperitiv, duront il qual nus selegrein da far cun tuts presents in viva sigl onn niev e sin in empermettent futur da nosa vischnaunca.

*Suprastonza communal*

---

### **Controlla da habitonts**

Sebasond sin art. 13 entochen 17 dalla lescha cantunala davart ils registers da habitontas e habitonts e davart ulteriurs registers da personas e d'objects, supplichein nus da risguardar sundontas prescripziuns: Obligaziun d'annunzia/deponer las scartiras Tgi che pren domicil en nosa vischnaunca ha d'annunziar si'arrivada enteifer 14 dis tier la controlla da habitonts Disentis/Mustér. Per l'annunzia ei da deponer il scret da patria ni en cass motivai sco dimorant duront l'jamna in attest da domicil. Per personas ch'ein buca da naziunalitad svizra ein il passaport ni la carta d'identitad, ina confirmaziun dalla cassa da malsaus svizra e sche gia avon maun, la lubientscha da jasters, necessaris.

### **Partenza/midadas d'adresses**

Persunas che bandunan nosa vischnaunca ein obligadas d'annunziar lur partenza ordavon cun retrer lur scartiras tier l'administraziun communal. El medem mument ei la retschevida dallas scartiras da returnar. Midadas d'adresa enteifer la vischnaunca ein d'annunziar all'administraziun communal enteifer 14 dis. Questa obligaziun d'annunzia vala era per midar adresa enteifer il medem edifeci.

### **Locataris**

Locataris da habitaziuns e casas ein obligai d'annunziar mintg'arrivada ni partenza d'affittaders enteifer 14 dis all'administraziun communal.

### **Commerci**

Tgi che arva ni siara ina fatschenta ni in menaschi commercial ei obligaus d'annunziar quei fatg enteifer 14 dis all'administraziun communal.



### **Lubientscha da jasters**

Persunas digl'exteriur ston inoltrar ad uras all'administraziun communalala la damonda da prolungir la lubientscha da dimora.

### **Formulars**

Differents formulars per far las annunzias alla controlla da habitonts anfleis Vus sin nossa pagina d'internet [www.disentis.ch/downloads/spurtegl-virtual/controlladahabitonts](http://www.disentis.ch/downloads/spurtegl-virtual/controlladahabitonts).

Bien engraziament per Vossa cooperaziun.

*Administraziun communalala Disentis/Mustér*

---

### **Controlla da habitonts**

#### **Mortori**

Barla Tönz-Albin, naschida ils 7 da schaner 1930, morta ils 2 da schaner 2018

---

### **Clom d'urgenza 118**

Preziadas vischinas, prezias vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitonts e habitonts da cuntoscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischn! Pli- navon daventan ils donnos cun mintga minuta spiarsa pli gronds. Perquei s'adrebbein nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: [www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!

*Vos pumpiers Sursassiala*

---

### **«Donnschtig-Jass»**

**Tgi ha gust da semesirar tier in giug da jass?** Quei sut la bitgetta digl'arbiter Dani Müller, enconuschents dalla televisiun. La vischnaunca da Mustér candidescha per l'emissiun «Donnschtig-Jass» ed enquera perquei giugadurs. Ils 26 da fenadur gioga Mustér encunter Savognin. Sche nus gudignein, vegn emess ils 2 d'uost directamein da Mustér. Encuretg vegnan giugaduras e giugadurs ta tuttas vegliadetgnas sco era giuvenils da diesch tochen 18 onns. Persunas interessadas ein supplicadas da s'annunziar tier Mustér Sedrun turissem, 081 920 40 30 ni [priska.mueller@disentis-sedrun.ch](mailto:priska.mueller@disentis-sedrun.ch).

### **Wie wäre es wieder mal mit einer Jassrunde?**

Und dies unter der Leitung des Schiedsrichters Dani Müller, bekannt aus dem Fernsehen. Die Gemeinde Disentis kandidiert beim «Donnschtig- Jass» und sucht hierfür Spieler. Am 26. Juli 2018 jasst Disentis gegen Savognin. Bei einem Sieg von uns wird am 2. August direkt aus Disentis gesendet. Gesucht werden Spielerinnen und Spieler sowie Junioren im Alter von zehn bis 18 Jahren. Interessierte Personen melden sich bitte bei Disentis Sedrun Tourismus, 081 920 40 30 oder [priska.mueller@disentis-sedrun.ch](mailto:priska.mueller@disentis-sedrun.ch)

---

### **Oz en biblioteca!**

#### **Kino da cudischs da maletgs cun Mats, la miur**

Has ti plascher da vegnir en biblioteca e tedlar marvegliusas historias ord cudischs da maletgs? Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs. L'occorrenza cuoza ca. in'ura ed ei adattada per tut ils affons che san gia tedlar tier bein.



Naturalmein astgas ti era prender cun tei tia mumma ni in'otra pe suna.

Nus selegrein zun fetg sin tei!

*Mats, la miur  
ed il team dalla Biblioteca populara  
Disentis/Mustér e contuorn*

---

### **Café da sentupada/Begegnungscafé**

Um einander besser kennenzulernen und den Asylsuchenden die Möglichkeit zu bieten, deutsch zu sprechen, werden immer wieder Begegnungen mit den Asylsuchenden aus dem Transitzentrum Bellavista in Disentis organisiert. Alle sind herzlich eingeladen am Montag, 15. Januar 2018, von 17–19 Uhr im Gemeindezentrum Aua Viva auch dabei zu sein.

---

### **Fuffernadi da bamupi per novizs dall'annada 2015**

Haveis vus mummas/babs cun vies affon dall'annada 2015 tschaffen da fuffernar in'ura da moviment, legria e cantar en emperneivla cumpignia? Lu envidel jeu vus cordialmein ad in'ura da fuffernadi da bamupi.

Cu: **gievgia, ils 18 da schaner 2018**  
Uras: 9.00–10.00  
Nua: Center da sport, Mustér  
Resti: trainer e tschappas sche pusseivel

Bugen prendel encunter las annunzias tochen dumengia sera sut 081 936 43 86, 076 516 11 68 ni riccardaflury@yahoo.de

Salids sportivs  
*per l'uniun gimnastica da dunnas Mustér  
la menadra da bamupi, Riccarda Flury-Casanova*

---

### **Invitaziun Seniors-Ca**

**Gievgia, ils 18 da schaner 2018** dallas 13.45–16.00 a Caischavedra.  
Presentaziun dil project «Resort Catrina», ennevar e.a.v. Per seniors ei il viadi cun la pendiculara gratuits.

### **Meisa da miezdi organisada da Seniors-Ca e Puntreis**

#### **Entschatta: allas 12.15 en Puntreis**

Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di a Puntreis (tel. 081 929 56 56)

La meisa da miezdi ei aviarta per mintgin/a.

*Post d'informaziun Seniors-Ca*

---

### **Uniun da gimnastica da dunnas Mustér (Frauenturnverein Disentis)**

Die nächsten Daten für das Line-Dance-Angebot einmal im Monat lauten wie folgt: Donnerstag, 18. Januar, 1. Februar, 8. März und 5. April 2018, um 19.15 Uhr im Center da sport e cultura in Disentis. Wir laden alle Tanzbegeisterten ein, bei uns hereinzuschauen. Uniun da gimnastica da dunnas Mustér Tel. 079 672 50 46. Las datas per nossa porschida Line-Dance inaga pe meins ein: Gievgia, ils 18 da schaner, igl 1. Da fevrer, ils



8 da mars ed ils 5 d'avrel 2018, allas 19.15 el Center da sport e cultura Mustér. Nus envidein tuttas interessadas pil sault. Vegni tier nus en halla da gimnastica!

*El num dall'uniun da gimnastica da dunnas Mustér*